

GUICHI UYUNE BË SAN JUAN APÓSTOL

Use'ela' Juan guichi ni lao tu ben' lao Gayo

¹ Nè'èdi', ben' gula, bia' guichi ni use'ela'n laolo' luè', Gayo. Naco' amigo quia', tabalacazi nadyè'èda' luè'.

² Bicha', rulidza' Diuzi ta icuasa icui'o tamala ta bibi gaca quio' sulo' huen. Cabè' ruelo' naolo' xneza Jesús dyè'èdi, cana' re'enda' sulo' dya'a tuzioli.

³ Bedaohueda' caora bla' chopa tzona ben' bichiro, ben' nao xneza Jesús, unajè' nè'èdi' cabè' ruelo' rnaolo' xneza Jesús du guicho du la'adyo'.

⁴ Lega redaohueda' bè' beda' nenaoyaca ben' quie Jesús xnezanè' du guicho du la'adyi'jè'. Raqueda'yaquè' ca zī'ina'.

⁵ Bicha', tahuen na' huelo' caora gacalao' ben' bichiro, ben' nao xneza Jesús. Tahuen gula huelo' gacalao' yaca ben' za' yedyi tula.

⁶ Unajè' rëbijè' yaca los demás ben' bichiro cabè' ruelo' nadyè'èlo' lèjè'. Chi huu' cule, gacalèlo'jè' tzu'ujè' neza dyè'èdi, como lèzi lèjè' rguixogue'rèjè' xti'idza' Diuzi.

⁷ Mandado quie Jesucristo aoyu'ujè' neza. Birnabajè' ben' binao xneza Jesús ta gasijè' len ta gaojè'.

⁸ Nacan cuenda quiero hue'rojè' ga gasijè', hue'rojè' ta gaojè', gacalèrojè' tzu'ujè' neza tziojè' tzetixogue'jè' benè' xti'idza' Diuzi.

Rnë Juan quie tu ben' lao Diótrufes, ben' rudyiala'adyi' lëbë'

⁹ Aose'ela' tu guichi laole dza na' ta inezile cabë' reya'ala' huele. Pero bigule Diótrufes quiendo'. Re'ennë' inabë'në' cuinzinë'.

¹⁰ Lena' hua' di'idza' len le'e cati guida' cabë' ruenë', porque rudyiala'adyi'në' nëto'. Bire'ennë' gapachi'në' ben' bichiro zãn yu'u quienë'. Lëscan' ruzegadyinë' yaca ben' re'en gapachi' ben' bichiro zãn yu'u quie. Biru'enë' lato yedupalëjë' ben' bichiro bë' rueyaquë' culto.

¹¹ Bicha', biinaole huele ca rue ben' mala. Reya'ala' huele ca rue ben' huen. Chi huero tadya'a, lena' rulu'en nubë'ro Diuzi. Chi huero tamala, lena' rulu'en binubë'ro Diuzi.

Rnë Juan naca Demetrio ben' huen

¹² Naca Demetrio ben' huen, cana' na yaca benë' yugulujë'. Talicazi nacan con cabë' najë' quienë' najë' naquë' ben' huen. Lëscan' nëto', nezirëndo' naquë' ben' huen. Luë' nezilo' di'idza' li rnëndo'.

Ni yeyudyi di'idza' bzu Juan lëë guichi

¹³⁻¹⁴ Zë di'idza' re'enda' inia' luë', pero bire'enda' hua' zë guichi. Mejorla naguidala' zãn yu'u quio' ta hue'ro di'idza' dyë'ëdi cabë' nacan.

¹⁵ Rulidza' Diuzi cuëchinë' chizi guicho laxta'olo'. Yaca amigo quio', ben' zulia' tuzë gan' ni, rugapayaquë' luë' diuzi. Ugapalo' diuzi yugulu amigo quia', ben' nita'lao' tuzë. Amén.

Xti'idza' Diuzi
New Testament in Zapotec, Choapan
(MX:zpc:Zapotec, Choapan)

copyright © 1986 Wycliffe Bible Translators, Inc.

Language: Zapotec, Choapan

Translation by: Wycliffe Bible Translators, Inc.

Zapoteco, Choapan [zpc], Mexico

Copyright Information

© 1986, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Choapan

© 1986, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Mar 2026 from source
files dated 29 Jan 2022
f44721e8-d767-55bd-8bcb-f1eb4965c7c2